

中華郵政總局特准掛號認爲新聞紙類
中華民國十二年二月二十七日出版

京北公報

第二百二十期

星期二

京兆公報第二百二十期目錄

命 令

大總統令

本公署公牘

訓令昌平縣知事據視學員張鶴浦報告視察該縣學務情形準備推行國語所陳意見均係扼要之詞令仰按照計畫認真辦理分別呈報文

訓令昌平縣知事據本署視學員張鶴浦報告視察該縣學務情形師範講習所應繼續辦理以儲師資而廣造就令仰查照辦理文

訓令昌平縣知事據視學員張鶴浦報告視察該縣學務情形內稱該縣學款不易維持所陳辦法極關切要仰即遵照實行以期改進文

訓令昌平縣知事據本署視學員張鶴浦報告視察該縣學務情形應振刷精神力求上進合函令仰查照認真督率辦理並將情形呈報文

訓令昌平縣知事據本署視學員張鶴浦報告視察該縣學務情形馬池口模範國民學校等應嚴加整頓令仰查照辦理文

訓令昌平縣知事據本署視學員張鶴浦報告視察該縣學務情形沙河

鎮國民學校應飭令加意研究改良合函抄發原呈令仰查照辦理

文

批安從博等呈一件

批蕭元英呈一件

批王溫等呈一件

批毓祥呈一件

批冉子謙呈一件

批劉林清呈一件

批王鴻訓呈一件

批李廣秀呈一件

附錄

視學員張鶴浦視察昌平縣學務報告書

＊ 命 令 ＊

大總統令二月五日

任命蒙仁潛爲南寧鎮守使此令

大總統令二月六日

察哈爾都統張錫元呈考察各縣知事擬請分別獎勵等語署沽源縣知事王蔭祖秉性安詳輿情允洽著晉給四等嘉禾章調署興和縣知事萬錫璋悃愾無華循良之吏著晉給五等嘉禾章署陶林縣知事張裕淦老成穩練舉措咸宜著給予五等嘉禾章代理張北縣知事高蘊杰爲守兼優通達治理署商都縣知事章鴻年精明幹練政無苛擾均著傳令嘉獎交內務部查照此令

大總統令二月七日

簡任職存記馬也良著分發河南交該省長酌量任用此令

內務總長高凌霨呈據京兆尹劉夢庚呈通縣知事李杜因病懇請辭職應照准此令

內務總長高凌霨呈據京兆尹劉夢庚呈請任命孫周鶴翔試署通縣知事應照准此令

大總統令二月八日

特任張彪爲壯威將軍此令

任命吳醒漢爲將軍府將軍此令

任命葛應龍爲將軍府將軍此令

命 令

大總統令二月八日

茲制定新疆第二覆選區補選衆議院議員日期令公布之此令

中華民國十二年二月八日

教令第三號

新疆第二覆選區衆議院議員之補選於民國十二年二月二十五日舉行

大總統令二月九日

近來士習囂張風化凌替少數教職員及在學生徒等聚衆干政倡言脫離政府解散國會甚至飛騰異論不審國情借口研究學說組織秘密團體希圖擾亂公安種種越軌行爲危及教育前途及社會秩序至深且鉅國家興學重在育才豈能任令少數黨徒肆其蠱惑使我青年士子荒廢最短之求學時間盲從妄動誤入歧趨近則破一時之紀綱遠則釀將來之變亂本大總統維持教育愛護青年斷難坐視應即責成內務教育兩部及京外地方長官依法嚴加取締不得稍涉寬縱至國立各校尤應隨時糾正以端趨向倘仍發生上項情事該辦學人員責有攸歸定當從嚴澈究此令

特任貢桑諾爾布爲蒙藏院總裁此令

調任塔旺布里甲拉爲正白旗滿洲都統此令

派王郁文李奎文李榮升趙清泉鄧維受向作賓沈守經朱寶楨李瑞祝震吳際元馬宗周石秉甲爲政治善後討論會委員此令

派王文典前往暹羅斐利賓等處考查商務此令
調項徐希廉爲山海關副都統此令

本 公 署 公 牘

訓令昌平縣知事據視學員張鶴浦報告視察該縣學務情形準備推行國語所陳意見均係扼要之圖令仰按照計畫認真辦理分別呈報文

據本署視學張鶴浦報告視察該縣學務情形內稱劉知事初到任云云當有良好之成績勸學所長李鴻儒循謹老成云云間有未能切實指導處巡行教員王潤田熱心盡職云云亦當務之急也又稱國語講習所秋假時因款絀未能舉辦各校之改用國語課本者實居少數現已編就國語講義印發各教員並擬分區傳習以爲明年推行國語之準備各等語查巡行教員王潤田任事勤懇指導切實殊爲難得李所長謹慎有餘魄力不足馬鳴珂康其瑜查視雖勤指導未周均屬不合該知事雖甫蒞任對於學務計畫能具必行之志尙能實踐當有成績可觀殊堪嘉許各校對於國語尤宜切實推行以期普及至此次視學所陳意見兩項均係扼要之圖除甲項及乙項之第一款另文訓示外合亟抄發乙項第二三四各款令仰該知事即便督同勸學所按照計畫認真辦理毋得視爲具文仍將辦理情形分別呈報核奪切切此令

訓令昌平縣知事據本署視學張鶴浦報告視察該縣學務情形師範講習所應繼續辦理以儲師資而廣造就令仰查照辦理文

據本署視學張鶴浦報告視察該縣學務情形內稱師範講習所學生一級云云以廣造就等語查主任教員

尙謀對於實習批評中肯殊堪嘉尙惟該所設備簡略校舍殘破應即添修至該縣小學教員現尙缺乏此次畢業後仍應繼續辦理以儲師資而廣造就合亟令仰該知事查照辦理并將辦理情形呈報備案此令

訓令昌平縣知事據視學員張鶴浦報告視察該縣學務情形內稱該縣學款不易維持
所陳辦法極關切要仰即遵照實行以期改進文

案據視學員張鶴浦查視該縣學務情形報告內稱查該縣學款云云恐現狀已不易維持矣又意見甲項內稱關於學款者一劃清界限云云宜速指撥以救眉急各等語查該縣學款收支相抵原有盈餘因界限未能劃清手續亦概無規定任其挪移侵蝕拖欠朦混以致補助則本年絲毫未發經費已五月分文未領若不速定辦法不特不易維持勢必立呈停頓所陳辦法四項極關切要仰即遵照實行以期改進并將遵辦情形專案呈報查核切切此令

訓令昌平縣知事據本署視學張鶴浦報告視察該縣學務情形應振刷精神力求上進
合亟令仰查照認真督率辦理并將情形呈報文

據本署視學張鶴浦報告視察該縣學務情形前來詳加察核除西沙屯國民學校設備完全校長李富林教員王恩浦熱心盡職堪以傳論嘉獎外縣立第二國民學校教員黃得紳管訓尙可書法不用範字殊屬非是縣立高等小學校長藍枚實心任事雖屬可嘉惟教員王汝霖陳淑淵教授算術一則任學生用教授法減殺其推解力一則訂正無反決難期低能生領悟縣立第三國民學校教員梁家壩發問雖多中肯尙少實例商會立國民學校學生缺席太多教員王制新教授尙欠切實縣立女子高小暨國民學校學生缺席過多精神

不振教員孫桂陳淑婉不諳教法古城國民學校教員不全教員董得魁造詣尚淺教法生疎婁子莊國民學校教員谷景暉教法欠敏活發問欠圓適育英國民學校教員李柳溪選擇教材尚須注意高麗營國民學校校長劉廷選不明教育應即分別飭令認真改進百泉莊國民學校既缺時計又無課表教員王禹臣毫無教法一年生尙令讀百家姓荒謬絕倫橫橋國民學校教員王致詒敷衍曠職均應撤換以免遺誤至該縣各校漸帶暮氣已呈退化之象尤應振刷精神力求上進合亟令仰該知事查照認真督率毋稍敷衍并將辦理情形呈報核奪切切此令

訓令昌平縣知事據本署視學張鶴浦報告視察該縣學務情形馬池口模範國民學校等應嚴加整頓合行令仰查照辦理文

據本署視學張鶴浦報告視察該縣學務情形內稱馬池口模範國民學校規模良好云云國文改筆欠妥善大辛峰模範國民學校設備缺風琴云云以便負責而資整頓各等語查馬池口模範國民學校教授用先讀後講背誦等法既屬私塾舊習而國文改筆又欠妥善尤徵該教員造詣尚淺大辛峰模範國民學校主持乏人內容腐敗均應嚴加整頓以符名實合行令仰該知事查照認真辦理毋稍敷衍並將辦理情形專案呈報以憑考核切切此令

訓令昌平縣知事據本署視學張鶴浦報告視察該縣學務情形沙河鎮國民學校應飭令加意研究改良合亟抄發原呈令仰查照辦理文

據本署視學張鶴浦報告視察該縣學務情形內稱沙河鎮模範國民學校設備粗具云云以摶節學款等語

又據呈復密查陳鳴軒等函陳學生郭世正退學情形請予核辦前來查該校教員既聘二人房屋又有空餘自當擴充一級以廣造就否則即用一教員以資掙節劉振綱容敏教授既多不合應即飭令加意研究迅予改良至陳鳴軒等函稱學生郭世正退學各節既經視學查明與事實不符合亟抄發原呈令仰該知事查照併案辦理仍將辦理情形專案呈報核奪切切此令

批武清人安從博等呈請令縣派人接充村長佐團總等職務文二月二日
先後呈請令縣迅派正紳接充該村長佐團總等職務以保地方等情已悉仰候令催武清縣知事尅日查復以憑核奪此批

批蕭元英呈送證明軍隊挖礦像片文二月三日
呈及像片均悉仍候令行房山縣知事併案辦理具復核奪仰即知照此批

批王溫等呈爲高綠公司違約罔利請派偵查文二月三日
據呈已悉仰候令行房山縣查復核奪此批

批毓祥呈爲抗判霸產請飭依法執行文二月三日
呈悉已據情令行永清縣知事查明核辦矣仰即知照此批

批冉子謙呈爲變賣旂產請飭布告保護文二月三日
呈悉已據情令行順義縣知事查明核辦矣仰即知照此批

批劉林清呈爲周知事瀆職殃民等情文二月六日

據呈已悉仰候令行財政廳查明具復核奪此批

批王鴻訓呈爲周知事違法收科等情文二月六日

呈悉查此案前由劉林清具呈到署業經令行財政廳查明復奪茲據前情仰候令仰該廳併案核辦此批

批李慶秀呈爲縣議參兩會成立請飭任用文二月六日

據呈已悉查內務部設立地方自治模範講習所京兆學員畢業後所有部發成績分數名單業經本公署抄單令發該員等本籍各縣知事酌量任用在案所請縣議參兩會成立時飭縣任用一節應毋庸議此批

* 附 錄 *

視察昌平縣學務報告書

視學員張鶴浦

(一) 教育行政狀況

甲縣知事 劉知事初到任所有案卷尙未接收清楚對於學務自無從規畫然與之會商整頓學款及親赴各區面諭村長佐勸導兒童入學等事表示志在必行果能實踐其言當有良好之成績

乙勸學所 所長李鴻儒循謹老成實心任事對於各校之整頓擴充亦饒有計畫惟魄力稍弱遇事稍有爭執不敢爲堅決之主張如學款按去歲收支相抵頗有盈餘因界限未能劃清致爲他項挪移現在數月未能開支而各項學款實收若干亦不能過問亦謹慎之過也勸學員馬鳴珂康其瑜任職有年勤於查視惟對於教員之不盡職者間有未能切實指導處

丙 巡行教員 王潤田熱心盡職頗著勤勞觀其報告書本年上學期及暑假時共巡行四十餘校多切實指導並作模範示教秋假後編輯印刷國語講義分發各校教員現正劃分各校為若干區擬將來訂期親往傳習以為明年推行國語之預備亦當務之急也

丁 義務教員 現在進行第三期較第二期所報成績表校數增一處（本年實增六校已有五校列入第二期報告表內）學生數減一百餘人雖本期尚未調查完畢多有按上學期調查表填入計算者然按該縣學童總數為七九六〇每期進行程限為七九六第一期只增四一〇第二期只六五七本期若併前二期補足非增一千三百四十四人不為功所差尚遠非設法督勸恐不易達預定程限也

戊 推行國語 國語講習所秋假時因款絀未能舉辦各校之改用國語課本者實居少數現已編就國語講義印發各教員並擬分區傳習以為明年推行國語之準備

（二）學校教育狀況

師範講習所 學生一級二十九人仍為復式編制一年畢業寄宿不供膳火食自理所址係用舊道署房屋雖多但坍塌過半設備亦簡略主任教員尙謀師範畢業教員祖振中簡師畢業上午學生張廷福實習算術尙祿實習國文均係第一次練習語言態度尙大致不差惟算術堂後路缺板演進行點稍紊與教案大有出入國文堂偏重形式忽略實質甲組複述語意多含混錯誤處未能提出糾正下午開批評會尙能實地做去惟學生批評稍略且多注意細故尙教員為主任批卻導毀頗中肯綮該所已畢業六次計一百零二人現屬第七次畢業預計師資仍不敷用宜繼續添招以廣造就

縣立第二國民學校 附設於師範講習所內學生出席者三十二人教員董得紳師講畢業因師範學生在此實習故未見該員教授然觀學生精神活潑語言爽快足徵平日管訓有方惟書法不用範字亦一缺點

縣立高等小學校 設備仍舊惟去一級國民添一級高等小俾成單式三級按舊制班次銜接編制較為齊整學生六十八人缺席十四人校長藍枚品學優兼實心任事教員王汝霖順天高等學堂畢業楚振元陳淑淵均師範畢業時楚教員告病假王教員併二三年生為一級合授算術學生照本演算教員几間訂正注重個別教授但學生多有教授法者據教員云取其較多補充題便於學生自習用意未為不善但各題悉附答數恐滅殺學生之推解力似不如將其中補充題另行油印發給學生作為自習宿題較無流弊

陳教員授一年生算術頗知教法但板間公同訂正時只用正表決不用反表決致錯者無由表見且答數內間冗文字可省則省之以求簡捷統觀二教員教授均能認真惟學生演算再能敏速則善矣管訓之事如監視自習朝會訓話及課外運動等皆由職教員通力合作是其優點學生不甚發達又其弱點

縣立第三國民學校 在勸學所內設備完具學生三十五人缺席六人單級編制教員梁家壩授甲乙作文題為述星期日所作之事是日為星期一出題頗得體丙丁修身逐層發問多中肯綮再多舉實例以推廣其義則尤善矣觀學生堂上作文敘述明白惟虛冗字多欠洗刷

商會立國民學校 設備尚缺風琴學生三十八人缺席二十人太多教員王制新昨因事告假是日方到校未見教授指問學生大意明了深究內容有欠透澈處

縣立女子國民學校 設備仍舊學生高小一級十一人缺席三人國民一級三十六人缺席十八人太多校

長閃堯珉教員孫桂陳淑婉均係任職有年孫授高小國文令學生輪流回講字音錯誤處尙能糾正其語氣不合者未能指示教授終不甚得法陳授國民算術學生演算欠敏速練習題可省去騰清本之時間以便多練習演算文字題與練習題宜相輔而行不可或缺成績手工尙切實用國文高小幼稚且偏重論說國民程席尤低四年生只綴字尙欠妥當其教授之不得法概可想見

查該校缺席太多精神不振想係經費支絀數月未能開支當局者或不免掃興宜由縣速籌發欠薪責其力爲整頓

沙河鎮模範國民學校 設備粗具學生四十七人缺席五人校長張瑞芝教員劉振綱聞容敏師講畢業劉教員授國文甲乙讀法丙丁書法運用單級教法具有形式音態亦合惟實質方面多未說破第順文解義究屬含混聞教員授唱歌亦不甚得法學生回講精神活潑語言明爽尙見管訓有方

查該校既聘教員二人自當將西房三間再加修理改作教室添招學生擴充一級以廣造就如勢不能成二級時則可用一教員以撙節學款

馬池口模範國民學校 規模良好設備完具學生五十五人缺席八人原係二級現以省煤火併爲一級好在教室寬闊尙能容納教員傅滿堂朱寶讓均師講畢業時課畢指問學生能回講者尙居多數惟用先讀後講辦法如二年生講四冊國文而已讀至六冊且責其背誦似屬不合如體察學生果有餘力不妨進行加速每月可多授幾課酌增教材分量也成績手工圖畫幼稚國文改筆欠妥善

大辛峰模範國民學校 設備缺風琴學生三十七人缺席五人校長侯體乾出外就事已辭職教員張宗濬

師講畢業授國文一組讀法二組書法讀法係複習深究內容欠詳盡書法學生姿勢尙可惟不用範字筆順間有錯誤者檢查學生課程進行稍慢各組均差一冊想係爲參讀舊書所誤學生髮辮尙未剪齊該村之風氣不開與該校之管訓無法概可想見

查該校校長虛懸形近懈弛已函知該縣知事諭令該村長佐速選校長以便負責而資整頓

西沙屯國民學校 設備完具學生四十四人缺席五人外有女生三人由教員特別教授校長李富林盡心校務教員王恩浦師範修業四年課甲默寫齊整少錯誤乙丙新授國語提示生字詳細精神學生對於字毋拚音亦甚熟足見教授認真雖間有欠周到處當卽爲之指導訂有表簿數種均係白紙無格式填寫亦不得法當卽爲之改訂二種格式以便仿製而省抄寫之力

查該校自王教員到校熱心教授竭力提倡李校長亦樂爲贊助一致進行故學生日見發達設備逐漸完全並有改建教室之計畫洵屬盡心職務該校長教員均應傳諭嘉獎

百泉莊國民學校 設備簡略學生三十二人缺席六人校長王煥未見教員王禹臣簡師畢業教室中既無時計又無授課時間表其不按時授課可知檢查課程二三年生國文均少讀一冊一年生秋後入學至今尙未教授只令讀百家姓等書尤屬不合至授國文登台便向一組發問多不得要領副板書話法預問四字卽講原文不知是何用意是該教員對於教法尙不明了殊難盡職應行撤換俾入師範講習所再加研究以免遺誤

橫橋國民學校 原有教室三間現以人少爲省煤火計移於教員住室二間當中復設一火爐致學生坐

在兩旁甚擁擠學生秋假前四十人秋假後只到二十人本日復缺席五人教員王致詣師講畢業秋假後尙未照常授課檢查課程進行甚慢一年生讀至三冊而第一冊尙未講授即他組已講過者指問均不明瞭該教員之敷衍曠職概可想見應行撤換以免遺誤學童

古城國民學校 教室二間稍狹南首尙有一間宜打通教員不敷用宜添置學生十三人缺席一人據校長黃壽臣云秋假前增至二十二二人因年荒村貧故多有輟學者教員董得魁高小畢業頗能認真教授惟程度稍淺教法亦欠研究若在能入師範講習所以資深造則不難爲良師矣

婁子莊國民學校 設備粗具學生三十二人缺席五人教員谷景曜甄別合格視課修身頗能認真教授惟運用教法欠敏活發問多參用文言亦欠圓適是其少研究處該教員正在青年若本數年經驗再入師範講習所深造一年則良好師資也

高麗營國民學校 設備粗具時計已壞不知修理學生十八人校長劉廷選舊日塾師教員王鼎新師講畢業現因事告假劉校長在校適放午學探詢該校情形對於新教育甚茫然蓋係劉將其私塾遷入學校仍舊以束修爲原薪與村中無涉村中但出賃聘一教員以爲敷衍官差之計攷查學生書籍仍係偏重私塾課程是假私塾以應學校之名誤人實甚非認真改組不能就學校軌道

育英國民學校 在沙河西門內設備簡略學生三十二人缺席七人內有女子三人教員李柳溪師範第二部畢業曾入巡行研究會試驗及格時值課畢指問一年生國語應答明了惟補習班取材稍深指問有未能回答處該教員教法素優對於選擇教材宜特別注意

統觀以上各校高小擴充一級尙屬發展女高小人數寥寥模範則規模間有可觀而內容均無進益若大辛峰則尤遜國民除縣立及西沙屯各校尙有精神外或教法尙欠改良或課程任意敷衍其漸帶暮氣尤爲最大弱點非認真整頓設法提倡不足以言進步也

(三)社會教育狀況

巡迴講演 講員安會津十一月二十九日到該縣每逢集期(隔日一集)在城內西街講演十二月六七八九等日適逢商會在財神廟演劇則逐日登台講演八日晚六鐘開夜戲以前登台演講視學往觀講學校各科之功用體操唱歌手工圖畫等科爲鄉民所最不贊成者該講員尤特別發揮反覆開導以爲對症下藥時台下聽講之人有點頭者有拍掌者喚醒夢夢足徵動聽

通俗圖書館及閱報所 仍城內一處附設於高小大門兩旁因限於經費報紙無多書籍近亦無甚添置故閱覽之人亦甚少

(四)教育經費狀況

查該縣學校欸以現在開支數目計之當有餘裕如地產一項預算三〇二〇元而上年實收僅二二二三元尙不及八成難免不實不盡然即以實收計算上年實支僅二一三五元仍應餘二〇一元即如女學專欸以上年實收實支相抵應餘七三元勸學所專欸以上年實收實支相抵應餘八五七元自其欸歸會計處經理與他項混合開支遂至凡每月由會計領欸各校及勸學所迄今已五閱月未領分文其補助各模範者本年亦絲毫未發至於各校獎勵金預定六百元迄未施行至今更無着落此其弊一由於房費積欠不

無中飽一由於統收統支未劃清界限於此而不從速設法清理不但學務無從發展恐現狀亦不易維持也(五)意見

甲關於學款者

(一)畫清界限 將所有學款由經理處另立賬簿與他項不得牽混挪移辦學者量入爲出確定預算按期開支或不至竭蹶

(二)嚴備積欠 地產捐一項上年實收尙不及八成本年扣至現在僅收三成餘此中難免拖壓侵蝕情弊宜澈查積欠若干立予嚴追以剔除中飽

(三)限期交款 凡經征者地方各款照章隨征交經理處若干日一清結自經征者不照章施行遂多拖欠宜嚴定期限務令如期交付依限結束以清手續而防積弊

(四)籌增學款 學務日見發達則學款之需用愈多非設法籌增不可如任邱地租原係縣署陋規迭經視學等報告公署指令撥歸學款迄未交出現需款甚殷宜速指撥以救眉急

乙關於學務者

(一)勸導兒童入學以符義務教育進行之原案宜由縣知事率勸學人員分赴各區召集各村長佐面諭並將理由辦法印成白話布告分給各村張貼以期家喻戶曉

(二)巡行教員分赴各區傳習國語宜由縣先期通令各校長轉知各教員務須屆期前往不得託故不到

(三)各校多近暮氣其整頓辦法(1)籌集學款速發欠薪及模範之補助費即預定各校之獎勵金亦設法

施行以示提倡而資鼓勵(2)撤換不盡職之教員以示懲儆而昭炯戒(3)縣知事抽暇或因公下鄉時便到學校查視以表示注重學務之意並喚起地方人辦學之心

(四)勸學所計畫(1)勸導富戶合組私立學校(2)提倡樂賢會以期學校與家庭聯絡(3)督促大村籌設女學(4)實行懲罰私塾(5)勸導女生納費均切要可行宜責其認真辦理

第 二 百 二 十 期

附
錄

十六